

Gaxgonq, ndaw mbanj raeuz miz daegmbauq ndeu heuhguh Daeg-gvangh, de ngoenzngoenz cungj bae guhcaemz. Baeznaengz daxmeh heuh de bang guh hong, de cungj dwg ra gak cungj lijyouz daeuj doi, miz seiz naeuz hwet naet, miz seiz naeuz gyaеuj dot, daxmeh dawz de mbouj miz banhфap, couh caih de doeng youz sae youz.

Miz ngoenz ndeu, gwn haeux-caeuz sat, Daeggvangh byaij daengz baihlaeng daxmeh de, yaengx gaemx-gienz hwnjdaeuj bang daxmeh de dub hwet. De itmienh dub itmienh naeuz: “Daxmeh, mwngz ngoenzneix bae gvej haeux dwgrendz lai lo, gou bang mwngz soeng hwet.” Daxmeh raen daeglwг roxsoq dangqmaz, miz di geizheih, couh naeuz: “Yu, haemhneix daeglwг gou baenzneix roxsoq.” Daeggvangh byaij daengz baihnaj daxmeh de, riuhihi doiq daxmeh de naeuz: “Daxmeh, gouh haiz gou gaenq vaih lo, mwngz cawx gouh moq ndeu hawj gou, ndaej lwi?” Gangj sat lij iet fajdin hawj daxmeh de yawj gouh haiz vaih de.

Daxmeh de ngaem gyaеuj baez yawj, raen gouh haiz daeglwг gaenq sik dwk “aj bak riuvaувau” lo. Gizsaed daxmeh de caeux couh rox lo, gaenq cawx gouh haiz moq ndeu ma lo, cinjbi ra aen gihvei hawj Daeggvangh. Daxmeh de daegdaengq doeksaet, naeuz: “Yo, gouh haiz daeglwг gou vaih lo, gou yaek cawx gouh moq he hawj de cij ndaej lo.” Gangj sat lij lumh aen gyaеuj Daeggvangh geij baez, caiq hozunq dwk naeuz: “Lwg a, haiz moq gojyij cawx hawj mwngz, hoeng mwngz yaek



caeuq daxmeh guh gienh saeh he gonq cij ndaej.” “Ndaej a ndaej a, daxmeh, vaiq gangj dwg maz saeh?” Daxmeh de naeuz: “Gwnz ciengzdakhaeux miz dong haeux ndeu caengz dak gvaq, ngoenzcog daengngoenz hwnjdaeuj mwngz couh bae dak, guh ndaej lwi?” Daeggvangh yienznaeuz miz di mbouj cingznyienh, hoeng vihliux gouh haiz moq hix couh sikhaek hanbak lo.

Ngoenz daihngeih, daxmeh de caeuxcaeux couh bae ndaw reih guh hong lo. Daengngoenz hwnjdaeuj lo, ndit ciuq dwk gwnz ciengzdakhaeux ndatfawqfawq. Daeggvangh byaij daengz henz dong haeux, dawz gaiq daengqbeh hwnjdaeuj cinjbi dak haeux. Seizneix, de youh gik hwnjdaeuj lo. De siengj: Dong haeux baenzneix hung, ngoenzlawz cij dak liux, yunghrendz lai lo, gou mbouj dak lo. Caiq gangj, daxmeh seizneix youh mbouj youq gizneix, de daengz haemh cij dauqma, youh mbouj rox gou dak

caengz dak. Caj haemhneix daxmeh guh hong dauqma, gou caiq lwnh de nyi haeux gaenq dak lo, daengngoenz roengz bya gou couh yo haeujbae lo. W, couh yienghneix guh. Doeklaeng de couh bae guhcaemz baenzngoenz lo.

Daengngoenz doek congh lo, Daeggvangh ma daengz ranz ngamq ndaej yaep he, daxmeh de hix souhong dauqma lo. Daeggvangh vaiq buet daengz dangqnaj daxmeh de, bauq naeuz: “Daxmeh, ngoenzneix gou gaenq dak haeux lo, gou guh dwk buh dumz liux.” Daxmeh nai de naeuz: “Mbouj youqgaenj, daeglwг gou bienq ndaej naengzganq raixcaix, ngoenzcog caiq dak ngoenz dem couh miz haiz moq daenj lo.” Daeggvangh dingq le gag laeglemx riu.

Ngoenz daihsam, Daeggvangh ciuqlaeh youh bae guhcaemz baenz-ngoenz mbouj dak haeux. Banhaemh, Daeggvangh ma daengz ranz, ngamq byaij haeuj ndaw ranz, couh yawjraen

daxmeh de cingq cawj haeux. Daxmeh de raen Daeggvangh ma lo, couh cam: “Lwg a, dong haeux dak hawq la?” Daeggvangh han naeuz: “Daxmeh cuengqsim, gou dwgrendz song ngoenz, haeux gaenq dak hawq lo.” Daxmeh de yenzsuz dwk naeuz: “Lwg a, mwngz gaej yaeuh gou lo, mwngz gaenbonj mbouj bae dak haeux gvaq, gij gik mwngz daengz seizlawz ndaej gaij gvaqdaeuj a?” Daeggvangh dingq le nyaenq dwk naj hoengz caez.

Haet daihseiq, daxmeh de caj Daeggvangh gwn haeux imq le, daiq de bae daengz ciengzdakhaeux dak haeux. Mehlwg song boux caez caenh baz, yaep he dong haeux couh dak yaek liux, lij lw di he, Daeggvangh yunghrendz baez baz, sawqmwг daengqbeh baz ndaej daeh doxgaiq ndeu. De dawz hwnjdaeuj baez yawj, ndaw daeh cang miz gouh haiz moq ndeu. Sikhaek, de fwt singj gvaqdaeuj, roxnyinh swгgeij gaxgonq guh loek lo, caen doiq mbouj hwnj daxmeh de. Lij caengz caj daxmeh de hai bak gangj vah, Daeggvangh byaij daengz dangqnaj daxmeh de, naeuz: “Daxmeh, gou rox mwngz gig gyaеz gou, coengzlaiz mbouj sij ndaej hut gou fad gou gvaq, mbouj hawj gou guh hong naek gvaq. Seizneix heuh gou guh hong dwg lau gou gik lai doeklaeng mbouj miz gijwn gijyungh. Baezlaeng gou itdingh caeuq mwngz gaenx guh hong, mbouj caiq caeggik lo.” Gangj sat doq gotumj daxmeh de.

Daxmeh de hix gaenjgaenj gotumj daeglwг, got haujlai nanz haujlai nanz, got dwk Daeggvangh raemxda doekbyoegbyoeg bae.

## Yw Bingh

### 治病

□ Hoz Cunghliuj / 何宗柳

Mbanjdaih miz mehbaj ndeu heuhguh Bajsam, bineix 56 bi, de boux vunz nyen gwn nyen yungh. Bajsam miz daeglwг he 35 bi youq diegrog guh hong. Bineix Bajsam yungh bae dingzlai cienz ngamq hawj daeglwг de coux ndaej bawxmoq. Daeglwг Bajsam doxaeu ndaej ndwen he youh dauq bae rog ra cienz daeuj boiz caiq. Vah sug gangj ndaej deng——“Bouxvunz ranz gungz maz cungj mbouj lau, cij lau miz bingh.”

Miz ngoenz he, bawx Bajsam sawqmwг baenz bingh. Bajsam vazmuengz bae camyaz, heuh Yahsien daeuj ranz gyaep fangz, yungh bae geij bak maenz. Hoeng, bingh dahbawx de mbouj raen ndei saek di. Bajsam cijndei daiq dahbawx bae mwnzcinj seivunz dajcim geij ngoenz, youh sai bae geij bak maenz ngaenz, bingh dahbawx hix mbouj raen ndei. Caezgya cungj naeuz: “Bajsam ha, hoj gaej saenq mingh, bingh gaej saenq fangz. Ceiq ndei daiq bawx mwngz bae ndaw si yihyen yawj mbat he, nanz lai bingh lauheiq gya naek bw.”

Bajsam cijndei bae ciq caencik baengzyoux ndaej 4000 lai maenz caeuq dahbawx de bae ndaw si aen yihyen ceiq hung ceiq okmingz haenx yawj bingh.

Ngoenz haenx, song boux de youq ndaw yihyen baizdoih gvaqhauh、genjcaz……Buenq ngoenz gvaqbae, couh yungh bae 2000 lai maenz lo. Canghyw heuh bawx Bajsam youq ndaw yihyen yw geij ngoenz dem, gyau 10000 maenz gonq. Naengh cij cawx yw couh aeu 3200 maenz. Bajsam baez dingq, doeksaet caez, de naeuz: “Cienz mbouj gaeuq, dou bae ciq daeuj gonq.”

Bajsam songde dawz ndei vayendanh、bonsijbinghcingz daengj doxgaiq naj nyaeuq doeknaiq byaij ok bakdou yihyen. Hai, dieg seng vunz mbouj sug, bae gizlawz ciq cienz? Song boux de naengh youq gwnz eij gunghgyauhcan caj ci, yaek dap cigunghgyauh bae cehcan. Sawqmwг miz boux yah he 40 lai bi gvaqdaeuj unqswnh dwk cam Bajsam miz maz saeh naj baenzneix saep. Bajsam raen de simndei, couh cigsoh gangj hawj de nyi, lij dawz bonsijbinghcingz hawj de yawj. Yah haenx yawj le naeuz: “Gij bingh neix caeuq bingh gvan gou doxdoengz. Gwn cungj yw neix ndei gig vaiq. Hoeng yw bengz di, bingz he 500 maenz. Gwn 4 bingz couh bingh ndei duenxrag, gvan gou gaenq gwn bae 3 bingz, seizneix gou dauq daeuj cawx bingz ndeu dem.” De gangj sat



Giuzrin Guengjsae Bwzswz ngutngeungeu.

dawz bingz yw he hawj Bajsam yawj. “Caen dahraix? Gizlawz miz gai?” “Gou yaeuh mwngz guh maz, youh mbouj dwg gou gai yw. Saenq mbouj saenq youzcaih mwngz. Baihnaj 100 mij, miz aen diemq gai yw he miz gai.” Bawx Bajsam naeuz: “Hawj gou sawq gwn mbat he yawjyawj.” “Yw bengz lai, gou mbouj ndaej hawj mwngz sawq gwn. Mwngz bae cawx daeuj gwn, buenq diemj cung sikhaek miz yauq!” Seizde, ci daeuj lo, boux yah haenx hwnj ci bae lo.

Bajsam caeuq dahbawx de dox-yaeng: Youq yihyen cawx yw aeu 3200, neix cij aeu 2000, couh cawx gij yw ba. Yihyen caen rox ngaek vunzbingh. Song boux de gig angq, cungj naeuz bungz raen vunz gviq lo, sikhaek gvaqbae cawx yw. Dahbawx Bajsam sawq gwn mbat he, gvaq yaep he, bingh de lumj ndei di dahraix. Yienghneix song boux de couh cawx 4 bingz yw, angqvauvau dap ci lienzhaemh dauq ranzmbanj lo.

Dauq ranz le, bawx Bajsam caiq gwn gij yw haenx mbat he, bingh caen ndei dahraix. Hoeng, caiq gwn couh mbouj miz maz yungh lo, bingh dauqfanj gya naek. Seizneix gyoengq-de cij rox deng vunz yaeuh lo, gij yw neix dwg yw gyaj. Bajsam mbouj ndaej mbouj dauq ciq cienz dawz bonsij-binghcingz caiq bae aen yihyen gaxgonq cawx yw dauq, dahbawx de gwn le bingh cij ndei. Bajsam dawz yw gyaj bae doiq, bouxvunz gai yw mbouj hawj, Bajsam hoz gig ndat. De ngeix gonq siengj laeng, gig ienqhoij sai bae 2000 maenz ngaenz.

Gyoengq beixnuengx, seizneix youq henz bakdou yihyen daih roxaeuz gwnz haw cungj miz vunz-rwix cang yaeuh bouxbingh. Caezgya aeu geiq ndei: Huq ndei mbouj bienzngeiz, bienzngeiz huq mbouj ndei; sim dam yungzheih cangq dangq. Miz bingh lijdwg bae yihyen cingqsik yw bingh ndei lai vaiq bw!